

# **”Suliniuteqareernermi malinnaasarneq”.....Annassutaasinnaasoq**

Af: Ann Andreasen

Forstander, Børnehjemmet i Uummannaq

**”Meeqqat atugarissaartut pilersitsineq nuannaraat. Ilu-atsinngikkunikku iluaagilaassavaat taavali allanik aal-larniissapput. Meeqqanulli ajoquserneqarsimasunut pilersitsinissaq pingaarutilerujussuuvoq annassutaasinnaa-gami, ipititaajumanatik najummisaat. Meeqqat taakku erloqisut pilersitsisinnaanermikkut meeqqat allat angunis-saasa tungaannut. Ikilli inuunermi kinaassutsiminnilu tunngavigeqqitatik eqqaamassavaat.” – Boris Cyrulnik *De grimme ællinger* qup 210**

## **SULINIUTEQAREERNERMI MALINNAASARNEQ PILLUGU INATSISIT**

**Meeqqanik inuusuttunillu ikiorsiisarneq pillug Inatsisartut peqqussutaat nr. 1, 15. april 2003-meersoq § 27. imm. 2:**

*Suliniutit ingerlareersut 18-ileereernermi ingerlaannarsinnaapput, inuusuttoq tamatumunnga akuersippat aammalu iliuuseqarnissamik pilersaarummi anguniakkat aalajangiunneqarsimasut anguneqarnissaat naleqquttumik ilimanaateqarpat.*

**Meeqqanik inuusuttunillu ikiorsiisarneq pillugu ilitsersuut imm. 14.3 Suliniuteqareernermi malinnaanissaq pillugu:**

*Ingerlariaqqitsitsisarnissamik pilersaarusiameq atattillugu maanna neqeroorutigineqarsinnaalerpoq inersimasumut imaluunniit ulloq unnuarlu paaqqinniffimmu inuusuttup inissinneqarfigisimasami-nut aaqqissuussaasumik attaveqartarnerata aaqqissuussaanerata ingerlaannarsinnaanera. Kommunalbestyrelsi peqataasut akuliunneqarsimasut, soorlu ulloq unnuarlu paaqqinniffik, angajoqqaarsiat, angajoqqaat, inuk isumalluutitut saaffigineqarsinnaasoq (ilaqutaasoq) allalluunniit inuusuttumut attuumassuteqartut, aammalu suliniuteqareernermi malinnaanissami suleqataasariaqartut peqatigalugit iliuusissanut pilersaarusiameq ingerlariaqqitsitsinissamut pilersaarusiussaaq. Periuseq taanna aamma atorneqassaaq meeqqanik inuusuttunilluunniit 18-it inorlugit ukioqartunik ingerlariaqqitsitsinermi angerlartitsinermilu. Meeqqat inuusuttulluunniit angerlarsimaffiup avataanut inissinneqarsimasut tamarmik suliniuteqareernermi malinnaaffigineqartarnissaat pisariaqarpoq.*

*Ingerlariaqqitsitsinissamik pilersaarusiampiittariaqarput attaveqartarnissamut atatillugu suliassat aamma ingerlariaqqitsitsinissap sivilissusissaa kiisalu suliassat ataasiakkaat kikkunniit isumagineqassanersut. Peqataasut tamarmik paatsoortoqaqqunagu atsiortariaqarput.*

*Inuup attaveqartartussap tapersersuisussalluunniit suliassaa iliuusissanut pilersaarusiampi allanneqarsimassaaq, amerlanertigullu tassaasinnaasarluni inuusuttup inerissimannigitsup ilinniagaqarnissamik toqqaanissaani ilinniarnerninillu ingerlatsinissaani siunnersuillunilu ilitersuineq imaluunniit namminerisamik inissiamut iserternerani suliassani nalinginnaasuni ikiuunneq.*

*Inuusuttumut tapersersuineq attaveqarnerluunniit tassaasinnaavoq inuusuttup avatangiisiminut qanittumut attaveqarnissaanik aamma ileqquliussaqarnissaanik ilinniartitsineq imaluunniit suliassamik suliqaarsinnaanermik ilinniartitsineq. Inerisimassuseq pisariaqartitsinerlu inummiit inummut tamatigut assigiinnigitsuujuassapput.*

*Suliniuteqareermermi malinnaaneq inuttut siunnersortimit imaluunniit inuttut tapersersuisumit ingerlanneqarsinnaavoq.*

*Inersimasuinngornermut ikaarsaarnerup inuusuttup 23-nik ukioqalernerata tungaanut killeqarnissaa ilimagineqarsinnaavoq, ukiulli qaffasinnerpaaffissaqanngillat. Qaffasinnerpaaffissap qaqugukkut killilerneqarnissaa kommunalbestyrelsip nalilissavaa, aamma iliuusissanut pilersaarusiampi siunertaasut anguneqarsimaneri apeqqutaatillugit. Inersimasunut ikiorsiiniutinik allanik aallartitsisoqassanersoq kommunalbestyrelsip isummerfigisinnaavaa.*

## **SULINIUTEQAREERNERMI MALINNAANISSAQ**

Suliniuteqareermermi malinnaanissaq oqaasiuvoq oqimaatsoq suliassarlu oqaimaatsuuvoq, KISIANNI pingaartorujussuulluni!  
Suliniuteqareermermi ajunngitsumik malinnaaneqanngippat ukiorpassuarni ikiorsiinermik suliat tamaangaannarsinnaapput.

***Pingaartuuvoq uagut angajoqqaatut / ilaqtatut / suliffigalugu sullissisutut / naalackersuinikkut suliqaartutut ataatsimut paasisimassagipput inuusuttut suna atorfissaqartinneraat, kiisalu neqeroorutit suut, tapersersuinerit killiliussallu atorfissaqartinneqarnersut.***

### **Inuusuttut taakku kikkuppat?**

**”Qiagaangassi, illaraangassi, ersaattaakkussinga, taava ikera ilanngullugu akuerissavassinga. Taava meeraajunnaassaanga nalinginnaanngitsut eqqumiitsorsuaq inuiaqatigiit avataanniittoq.”**

**- Boris Cyrulnik *De grimme ællinger* qup 211**

Inuusuttut inissinneqarsimasut ilisarnaataat ingammik marluupput: Angajoqqaavi inuunerini aalajaatsumik inersimasuusimannigillat, sulilu taamaannatik aammalu pisinnaanermikkut ukiui inunngornerminniit ukiuinit allaapput. Tassa pappiaqqatigut 18-inik ukioqaraanni imaanngilaq inersimalersimalluni nammineerlunilu inuunini aqullugu ingerlassinnaallugu.

**Inunngornerminniit ukiuisa pisinnaanermikkullu ukiuisa assigiingissutaasa** kinguneraat 18-inik ukioqalersimagunik taama ukiulittut pisinnaasaqarneq ajormata. Meeraq assersuutigalugu 5-nik 10-nilluunniit ukioqarluni inissinneqarsimaguni, inissinneqarneranut pissutaavoq ukiuminut naleqqutinnginnera – aamma ukiut 8 13-illuunniit qaangiukkalarpata taamaassaaq. Inissinneqarnerata aallartinnerani ilungersuullugu suliniuteqarneq aallartissaaq meeqqap ineriartornermini kinguartoorutigisimasaminik angusiniarneranik imalik. Piffissamilu tassani aamma inuusuttuaqqat allat assigalugit inersimasunngulernermit ikaarsaariarneq aqqusaassavaat kinaassutsimut misileraaneramik imaqaqisoq. Inuusuttuaqqanut nukersornartorujussuavoq – aammalu avatangiisini inersimasut nukippassuarnik naammagittarnerujussuarmillu piumasagarfigineqaqalutik.

*”Kattorsagaanerup ingerlanerani meeqqat ileqqutoqqaminnit ajoquserneqarsinnaasarput. Sequtseriniartutut imminnullu sequtserniartutut pissusilersuutigisinnaasaat qaffassinnaasarput, pissusilersuutaannillu aqutsisunngorsinnaallutik sunniuteqarsinnaasunngorlutilluunniit. Allanguinerit pinerattut sukkatigisumik meeqqap allanguinerinik akuusunngortitsiuminaatsitsineranik tamanna takusstissaasinnaavoq. Imminnik paasinnittaasiat malinaasinnaajunnaartarpoq, naallu allanguinerit namminneq kissaatigisimagaluarlugit imminnut takornartatullusooq misigisimalertaramik. Tamatumalu saniatigut ileqqutoqqat, eqqarsaatitoqqat misigisimasatoqqallu sungiusimavaat, taakkuninngalu qaangiiniarnerminni imminnut illersoriaaseqartarlutik. Taamaattumik katsorsarneqarnerup ingerlanerani inuttut pissutsip aaqqissuussaeneri nutaat sulili akuulersinneqaratik ilusinikkiartuleraangata ajuallatsikkuminartuarannortarput – ingammik inuusuttuaqqat inuusuttunngulernermit ikaarsaariarfimmiittut. Imminnut ilisarinnannngitsutut misigisimalertoqarsinnaavoq, kinaassutsimillu ajornartorsiuteqarneq, allaat ” uanga kinarpiaavunga?”-mik aperisariaqalernermit kinguneqartoq nuanniissinnaalluni.*

*Ilaanneeriarluni meeqqat inooriaasitoqartik inooriaasitoqqamilluunniit ilaa maqaasilertarpaat, maqaasisaqarnikkullu ileqqutoqqat ajoqusigaanerup ersiutaanik pissusilersuutaasut uterfigineqarsinnaasarlutik. Meeraq qimaassaarsimagaluartoq qimaqqeriataarsinnaavoq” (Conni Gregersen-ip atuakkiaanit Inoorusunneq qupp. 267-286-mit issuaq)*

**Peter Bastian:**

***Inuusuttuaqqat inersimasunngulernermit ikaarsaariartut sanianniilluni assigaa pisiniarfik saneqqullugu ima allagartalik: nutarternera pissutigalugu matoqqavoq, suliaq naammassippat ammarumaarpoq!***

Sunniuteqaataasup aappaa **angajoqqaat aalajaanngitsut inuusuttunut inuunermi atugassaraat, inuuneq naallugu ingerlasussaaq.** Inuusuttut inuunermik ilarujussua ilaqutariinni paaqqinniffiusuni imaluunniit ulloq unnuarlu paaqqinniffimmi najugaqarsimasut amerlasoorpassuartigut ilaqutariinnut paaqqinnittunut/ulloq unnuarlu paaqqinniffimmut angajoqqaaminniit atassuteqarnerusarput. Angajoqqaat nukissaqannginnerat pissutaasarpoq inuusuttoq tapersorneqarnissaminik ikiorneqarnissaminillu, taakkunannga pissarsisinnaaneq ajormat.

Inuusuttut meeraagallaramik angajoqqaaminnit ikiorneqarnissaminik qulakkeerneqarsimangillat. Aamma taamatut inersimasunngorunik, tassa 18-inik ukioqalereerunik, ajornartorsiuteqalerunik ikiorneqarsinnaanissaminut qulakkeeruteqanngillat. Inuusuttut sungiusimavaat angajoqqaatik saaffigissallugit – tassami inunngorfigalugit angajoqqaarigamikkitt. Kisianni aamma sungiusimavaat taakkunannga ikiorneqannginneq. Taamaattumik pingaartoRUJUSSUOVOQ inuunermi pereersut

ajaperfigisimassallugit, tassa inuit allat attaveqarfigisarsimasatik saaffigisinnaasatillu. Inuit taakku inuunerinik ilisimaarinnittut, inuit tusarnaarusuttut ilisimannittullu kina tusarnaarnerlugu.

*”Meeraq aperippat ”Qanornguna uannut pisoqartoq?” siornatigut pisimasut tunngavigalugit pissutsit allannortinniarnernannik sulineq aallartissaaq. Meeraq aperinngitsoorsinnaanngilaq suminngaannerpunga, sumut ingerlavunga tassami inuuneq nuannarigamiuk sunalu tullinnguunnersoq pissangagalugu. Apeqqutilli taakku akisinnaassagaanni imaluunniit apeqqutiginnassagaanni pisariaqarpoq meeraq atassuteqassasoq inunnut ilisimasaqarsorinartunut silarsuaq sivirusunerusumik ilisimasimagamikku. Meeraq kimulluunniit attaveqanngitsoq apeqqutinik taakkuninnga aperinerluunniit ajorpoq, tassami inuunera tamarmi massakkorpiaannaq pigami.” - -*  
**Boris Cyrulnik De grimme ællinger qup 213**

Ineriartorneq tamanna ingerlasimavoq inuusuttup angerlarsimaffimmi avataani inissinneqarnerata nalaani, tassalu angajoqqaami atassuteqarfiginnginnerini. Inuusuttut inissinneqarsimatillutik toqqissisimaneq inissinneqarfimminnilu sulisunut pingaarutilimmik attaveqarneq ineriartortissimavaat. Toqqissisimaneq sulisunullu pingaarutilimmiik attaveqarneq ineriartornerminni angusimasaat meeqqamut angajoqqaanut taartinngorsimapput. Arlalipassuartigut sulisut aalajangersimasut ukiorpassuarni sulisuusarput. Attaveqarfiit pingaarutillit inuuneq naallugu atasarput inuusuttunullu tassaallutik angajoqqaat saniatigut angajoqqaanut taartit ajornartorsiulerunik sianerfigisinnaasaat. Kialuunniit inuusuttoq oqalutsissinnanngilaa – taamaaliussappat pisariaqarpoq inuuttup tatigissagaa qanimullu ilisarisimallugu sianerfigalugu oqaluttuarfigissappagu.. Qulaajaanissartik sapiiserfigissavaat – soorlu Borisip taagaa *”inuusuttut atassuteqartariaqarput”* oqarsinnaassagunik, tusarnaarneqarsinnaassagunik. Attaveqarfiit pingaarutillit angerlarsimaffimmut taartaasumi (angajoqqaarsiani imaluunniit ulloq unnuarlu paaqqinniffimmi) pilersinneqarsimasut tassaapput illugiimmik imminnut ilisimasariilernermik pilersitsisut, tassaallutillu inuusuttup pisariaqartitai tusarnaarsinnaassaguni ilitersorneqarneq siunnersorneqarnerlu tigusinnaassagunigit.....

**Pingaartorujussuuvoq oqartussaasut angerlartitsinermi piiassanngimmassuk inuusuttup angajoqqaanullu taartaasut attaveqarnerat, taannaammammi inuusuttup ineriartornermini ullumikkut killiffimminnut tunngavigisaa – tunngavik angajoqqaarsiaagaluarpata imaluunniit ulloq unnuarlu paaqqinniffiungaluarput.**

Oqartussat inuusuttup attaveqarfii akuerisaasut taamaatitiiinnassapatigut tassaassaaq inuusuttup siornatigut avatagiisaanut maleruutiinnalerfigisimasaanut ikiorteqarfigisinnaanngisaanut utertillugit milorujunneqartut... Kalaallit Nunaanni inatsisit **meeraq qitiutippaat** – tamanna aamma inuusuttumut atuutariaqarpoq. Taammaattumik oqartussat neqeroortigisariaqarpaat inuusuttup tunngavigisani toqqissisimanartut attaveqarfiillu pingaaruteqartut attaveqarfigiinnassagai qajassuarmik angerlartinneqariartuaarnermini – tassa avatangiisit qajassuarmik allannortinneranni. Qajassuarmik avatangiisinik allannuineq meeqqap inuunerani ukiuni pingaarutilinni angerlarsimaffimmut taartaasunut toqqissisimasumik attaveqarnertalik pissappat pisariaqarpoq meeraq – ilaqutariunngitsut – oqartussat ikiorsiinerannut qitiussasoq – ikiorsiinermini tassammat inuusuttup annanniutissaa.

**Suliniuteqareernermini malinnaanissaq annanniutaavoq – taamaallaat annanniutit atorsinnaasq inuusuttup nalunngippagu, tatigippagu taamalu atussallugu akuerisinnaappagu ...**

## **INUUSUTTUNIK SULLISSINITSINNIT MISILITTAKKAGUT.**

***Inuusuttunik sullissinitsinni ukiorpassuarni misilittakkatigut nalunngilarput 18-iliiniariarpata iperaannassanagit – tassami taamaakkaangat amerlanertigut kinguneqarnerluttarpoq.***

***Inuusuttut tamarmik attaveqarfeqarnissanik atorfissaqartitsipput – saaffiginniffissaqartariaqarlutillu, allatut oqaatigalugu attaveqarfiit pitsaasut qajannaatsullu.***

Kikkut tamarmik attaveqarfinnik pingaarutilinnik inuunerminni atorfissaqartitsipput. Tassani nuannaarneq annerulersarpoq aliasuutillu minnerulersarlutik saaffiginnikkaanni saaffigineqaraanniluunniit. Tassa attaveqarfiginni atajuartuni taamaattuni inuusuttoq 18-ileereeruni inuunerup aqqutaani orloqqajaafiusermi nammineerluni misilittagaqalernermini *pisinnaalissaq* tapersorsorneqarnissamik ikiorneqarnissamillu noqqaassalluni. Pissusissamisoorpoq angajoqqaatik uumappata saaaffigissallugit, kisianni taakkunannga ikiorneqarnissaq naliginnaasumik PINEQARSINNAANNGILAQ. Orloqqajaanartukkoorminni uagut tatigisamittut pingaarnertut akuerisaasumik saaffigisinnanngikkunisigut akulikitsumik isasoortarput UAGULLU ajutoornissaannut najumminnittussatut piareersimanngikkutta isasoorujussuarnerannik kinguneqartarpoq.

*”Inuusuttut annerusumik minnerusumilluunniit piaarinaatsoornerinnakkut naapittakkaminnit taamaallaat ikiorneqarlutik namminneerlutik inuiaqataasunut nammineersinnaasunut ineriartornissaat uagut inuussutissarsiutigalugu isumaginninnermik sulisutut, peqqissaavinni sulisutut, ilinniartitsisutut, angajoqqaarsiatut, inuusuttut ornittagaanni sulisutut politikkeritullu piunasaqaatigisaratsigu eqqarsarnarpoq. Taamatut pisoqarsinnaanngilaq. Naak inuppasuit nutaat naapittarnerat nuannerlunilu pissarsinaraluaqisoq, inuunermi pingaaruteqartunut nukissat taakkunannga pineqarsinnaanngillat. Inuit uatsinnik ilisarimannilluartut, uaguunerpullu pissutiginnarlugu uatsinnik ataqqinnittut attuumassuteqarfigisariaqarpavut, nukissanillu allerfigalugit. Inuit taakku oqaloqatigisinnaassavavut taakkunanngalu paasineqarsinnaalluta, illaruaatigisinnaanngilaatigut nikanarsassanataluunniit, aamma naalagannguinnaassanngillat qanorlu iliornissatsinnik naalakkiginnartassanatik. Naallu uuminarlutalu sianiittaraluartugut kukkussutigullu kukkussutigeqqittaartaarlugit, tunniutiinnajasuunngillat uteriillutilli ingerlaannartuartaallutik....ilaqutaalluartoq ikinngutaalluartaarlunniit taamatut ittarpoq, tunngaviatigullumi tamatta assigiippugut. Ataatsimoorfiusumik immitsinnut tarrarsorfitullusooq atugassatsinnik pisariaqartitsisuvugut, naallu sutigut tamatigut eqqortuinnarnik iliortanngikkaluartaugut imaluunniit kusanarlutalu inequnanngikkaluartaugut, arlaannit ima nalunnginneqartigaluta allaat ataqqineqarluta misigissallugu atorfissaqartikkatsigu. Inunnut allanut attaveqartarnitsigut ineriartortarpugut, allanullu tarrarsortutullusooq issinnaanngikkutta naasutut qilattutut ililluta susinnaajunnaariartuaassaagut. (Conni Gregersen, Livsmød, qup. 70?)*

***Inuusuttunik sulinerup ilagaa ikiussallugit kinaanerannik, inuunermi sujumanerannik sumullu ingerlajumanerannik.***

***Siunissamik takorluuineq.***

- Pilerigisat takorluukkallu
- Inuunermik naleqanngitsumik pitsaasumillu takorluuineq
- Anguniakkat piviusorsiortut
- Neriunneq

***Siornatigut inuunerit siunissami inuunissannut qanoq sunniuteqarpa?***

- Inooqatigiinnikkut kingornutat
- Angajoqqaatut ilinissamut annilaanganeq
- Ileqqunik allanngortitsisuuneq

Inuusuttut ilarpassui 18-iliigaangamik suli inerisimannngitsuusarput atukkatillu piviusorsiunngitsumik paasisimasarlugit. Ilaat suli sullittariaqartarput, allalli pisariaqartinnerusarlugit isumagineqarneq, tapersersorneqarneq tuppallersarneqarfissarlu.

Taamatut aalajangerniarneranni ikiorniarlugit 18-iliartornerisa tungaannut arlaleriaqalugit oqaloqatigisarpagut. Taava siunissartik qanoq eqqarsaatigineraat oqaaloqatigiissutigisarpagut. Ilinniagaqarnissaq inuunerlu ataatsimut isigalugu qanoq kissateqarneri tusaaniartarpagut.

Inuusuttut kissaataat tusareerutsigit oqaloqatigisarpagut suut piviusorsiortuusorinerigut pillugit, taavalu siunnersuusiorluta kissaatigisaat tunngavigalugit qanoq uagut ikiorluarnerpaasinnaanerigut.

Misilittakkatta takutippaat sulinermi tassani pingaartuusooq unammisassat naleqquttut inuusuttut naammassiniarsinnaasaat iluatsittutullu misigisaqarfigisinnaasaat nassaarissallugit. Inuusuttut iluatsinnngikulavallaarunik isasuussapput sapiissuseerullutillu, taamalu inuunermi ingerlaqqeriarnissaminnut piumassusiiagaassallutik.

Inuusuttut taakku ilarpassui 18-it sinnerlugit ukioqaraluarlutik inerisimannngitsuusarmata siulliullugu unammisassat inerisimalernerunissaminnut ineriartuutigisinnasaat, akisussaaffeqalissutigisinnasaat imminnullu nakkutigisinnaalissutigisinnasaat nassaariniartarpagut. Ukiut ingerlanerini iluatsilluartumik kingunilimmik suliniutaasarsimasooq tassaavoq efterskolertitsisarneq.

Pingaartuuvoq inuusuttut misigissagaat ”inersimanerulersimagaluarlutik” ajornartorsiutiminnik saaffiginissinnaallutik, ilumoorunneqarlutik qinnutigigunikkulu ikiorneqassallutik.

***Suliniuteqareernermi malinnaanissaq nukersornaqaaq – inuttut, aningaasatigut sulinerullu tungaatigut***

Suliniuteqareernermi malinnaanissaq suliaavoq nukippassuarnik atorfissaqartitsisoq, aamma inuusuttut ulloq unnuarlu paaqqinniffimmiinngikkaluarpata

angajoqqaarsiaminniingikkaluarpataluuniit. Suliassarujussuuvoq akkerliinnik misigissuseqarfiusooq inuit inuusuttut ajunngitsumik attaveqarfigissallugit illuatungaatiqut kaanngalersut illuatungaatiqullu uagutsinnik annertoqisumik atorfissaqartitsisut.

Inuusuttoq inersimasunnungulersooq nammineertoq, taamaanneranili aamma qajannartoq, ajortiasooq imminullu tatigerpianngitsoq, soorlu inuusuttorpasuit inissitat taamaattut, qiimmassassallugu, kaammattussallugu, oqaloqatigissallugu, ikiussallugu tapersersussallugulu nukersornartorujussuuvoq.

Aamma nukersornartorujussuuvoq atuarnerni ilinniarnerninnulluunniit atatillugu misileraanerni ikiorlugillu tapersersussallugit, imaluunniit "nikuitissallugit" ilinniagassanik, asanninnikkut artorsaatnik, aningaasarliormik inuusuttullu ajornartorsiutaannik allanik artorsaatqaleraangata.

### ***Suliniuteqareernermi malinnaanissap iluatsilluarnissaanut pisariaqartut.***

Suliniuteqareernermi malinnaanissap iluatsilluarnissaanut pisariaqartut pingaarnersaasa ilagaat inuusuttut namminneq ulloq unnuarlu paaqqinniffimmiinnissartik angajoqqaarsiaminniinnissartil-luunniit kissaatigippasuk taamalu ikiuiniarnitsinnut akuersaarlutik tigusippata. Inuusuttunut namminernut ajornakusoorsinnaavoq suniarnertik minnerunngitsumillu sunik atorfissaqartitsinertik nalilissallugu.

### ***Inuusuttut nammineq malillugit atorfissaqartippaat:***

- "Inersimasut" / angerlarsimaffik aalajaatsoq/-tsut inuunerannik soqutiginniffiusut/-soq
- Paasineqarneq
- Tusarnaartoqarnissaq
- Pitsaasunik siunnersuisoqartoqarnissaa
- Tuppallersagaaffissaqarnissaa.

### ***Inuusuttup piginnaaneqarnerutilluni ikiorneqarnissaq kaammattorneqarnissarlu atorfissaqartinnerulersarpai.***

*"Tamatta siornatigut inuunerisimasarput takorluukkakkut assiliaatigissallugu pinngitsoornata atorfissaqartipparput, taannalu pissusissamisoortutut upperalugu isigaarput. Meeqqat ajoquserneqarsimasut allanit suli annertunerusumik pisariaqartippaat assiliaq taamaattoq pinngortissallugu, pisimasooq imminnut ajoqutaasooq nammassinnaassagunikkut, tassami piviusooq nammaneqarsinnaasutuaq tassaammat meeqqap nammineq takorluukkatut nassarissaa" - - Boris Cyrulnik*  
***De grimme elling qup 156***

Inuusuttut ineriartorneq ajunngitsoq aqquusaarunikkut iluatsittutut misiginissaat taamalu sikkernissaat pingaartuuvoq. Ajunngitsumik ineriartorneq imaanngilaq nammineersinnaalersut. Ajunngitsumik ineriartorneq amerlanertigut tunngavigai atukkat ajunngitsut, aalajaannermik toqqissisimanermillu avatangiiseqarneq. Iluatsitsinermik qaamarnani sikkernerulersillutik ineriartorneulersillutillu suli inerisimanerulersarput.

*”Allaat resiliensgnister-eqaraluarpalluunniit, taamaattoqartuaannangajapporlu, takusinnaasariaqarpagut isumagalugulu inuiaqatigiinnit qaminneqassangsut tammaannartinnagillu.” - - Boris Cyrulnik *De grimme ællinger* qup 188*

*” Tunummut qiviarit, eqqat qiviaruk, siumut qiviarit, qummut qiviarit”.*